

存  
悔  
齋  
外

集

存悔齋外集卷三

萍鄉劉鳳誥金門

試體詩

春秋多佳日

得佳字

己亥鄉試中式第五十名

勝趣平分處誰云四序皆每當芳令改頻憶故園佳客喜攜柑  
共人緣采菊偕烟深紅藥院露冷碧梧階水色山光地花晨月  
夕懷荷風遲暑檻梅雪近寒齋士有高情寄天將好景排鶯春  
和雁夜一例付吟儕

平秩南訛

得訛字

稽古南爲訓文從化轉訛殷春同秩序盛夏正偏頗月令先芒  
種疇人驗麥科羣芳資長養九敘協功歌測景圭躔應占風玉

籟過薰當時燠若飄自有卷阿槐雨連朝遍葵心向午多

恩綸宣日日展慶兩清和

當夏叩羽

得琴字

叩羽黃鐘應知時聽鄭琴於何傳令韻借以寫冰心正叶南風  
奏能翻白雪音刻隨商忼慨換比角幽沈金氣含三伏絲聲感  
太陰招來元鶴舞彈到水龍吟觸手生寒色鳴絃滌素襟仙韶  
諧

盛樂景慶序咸臨

一之日威發

得寒字

半子生於一時風若曰寒數循週復始日配偶中單令信颺颺  
引嚴威颺颺看氣吹屠威驟暄負發人謹釀雪音藏角飄霜影

動竿沍原窮北至峭不似春殘鼠室熏初透孤裘製已完  
幽歌君萬壽六瑄叶平安

閏月定四時

得成字

軒統言天始堯圖以閏名四千年定瀟十二月長羸歲實游儀  
準躔差步算精北齊張子信東漢鄭康成卦一著歸扐歧雙斗  
指衡中門王者政化國聖人氓桐井先時秀蕢庭合朔榮清和  
逢兩度

寶錄衍垓京

前題

得訛字

軒紀開天始堯年積閏多日皆中氣驗定正古文訛月令春莒  
杏農書夏麥禾秋迎霜雁至冬送土牛過鼂采東湯谷神都北

冀河南諧新駱越西灋古歐羅王省居門政民勤力穡科  
重華欣茂對百廿展清和

五歲再閏

得奇字

天數乘於五司天理可推歲差須至再月閏又歸奇一載規三  
載前期筭後期就中占朧朧厥後準羸虧黍銖銖驗開蓂葉  
葉知指剛循甲滿音本應脣吹日屆清和永風添長養宜撫桐  
調

舜軫解阜正薰時

王者兄事曰

得兄字

日者君之象朝壇禮事兄祭嚴旁治灋光麗太陽精乾始先親  
上離方助嚮明表尊昭物睹教讓本人情春序和司令東郊義

主生搏桑通一氣，綿蕝陟三成。  
義御官分職，壘歛樂比聲。  
聖朝中祀肅，祥應十輝呈。

樓觀滄海日

得觀字

戊辰浙江  
監臨擬作

秋在寺樓看山高，日出寒地通。  
湯谷近天到，蔚藍寬西北。  
齊雲聳東南，大海漫青銜。  
台宕起紅入，赭龕觀倒景。  
搏桑樹迴風，碣石澗一方。  
明瓦脊百尺迴，梯盤盪漾滄波濶。  
瞳矐顯氣團，有懷蓬島客。  
覓句住臨安。

日長添線

得添字

長日憑何驗，官人線屢添。  
壁當清晝永，催就女紅嚴。  
測晷拋牙尺，宜晴捲繡簾。  
巧輸心縷續，寒怯唾絨黏。  
弱緒增如許，明金壓未嫌。  
終朝香閣坐，一片色絲兼。  
肯放針神倦，時縈玉手纖。  
借茲

推愛景遺事寫蘭縑

秋月如珪

得珪字

一色琉璃界秋宵月似珪乍看芒射四恰值火流西秉令靈娥  
藉朝京北帝齋因方凝璧曜入握象坤倪七寶光明合三稜尺  
度齊不同環樣折真許袖中攜葉翦傳封汝花開靚皎兮重輪  
延聖壽萬國舞仙霓

黃鶴西樓月

得秋字

萬里江天夜蒼蒼月滿樓星辰闌左界河漢耿西流笛外翩翾  
影帆邊灝淼秋一輪蟾吐處千載鶴飛不城闕南條壯風烟北  
渚收金波明夏口碧海徹吳頭奉

使槎頻貫尋仙斧借脩倚闌同拍手幾輩藥宮游

司空問斗牛

得牛字

望氣近揚州茫茫問斗牛是何神物在能得解人不紫微明中  
夜金精曉上頭鴻談驚電製清辨挾鴻流舉口雄芒露關心鬱  
彩浮乘槎奇更訪貫索隱難求天寶雙輝合星垣一色收司空  
原博雅龍劍許先投

柳下風來

得園字

萬柳翠當門蘭成憶小園清風來在弱高隱息繁喧蔭隔棠梨  
館吹經薜荔垣簾絲春自裊衣桁影微翻罨畫輕於拂搖青薄  
有痕誰家圍鍛竈隨意掃琴軒藉草人相約飄花日幾番江南  
如卜築好近綠楊村

南風之薰

得時字

始作南風曲薰兮譜舜時無爲而治者播樂以安之天意嘯和  
遍人情解愠宜八徵逢日燠重卦取諸離北至長迎景東來又  
轉颶律同雙管竹聲在五絃絲烟裊金爐篆晴熏赤羽旗卿雲  
歌並進

曼壽拜

彤墀

天孫雲錦

得秋字

帝女曾工織瑤垣纂組脩錦裳紛在軸雲綺麗于秋剪定風姨  
借梭憑月姊投七襄終日就十色亘空浮星豔明金簇霞縈彩  
縷抽針神應乞爾花樣許翻不天上支機巧人間擣練愁本來  
非作嫁附會媚牽牛

飛雲臨紫極

得臨字

帝座祥暉起東瞻紫氣臨巍巍三極正  
眈眈五雲深海涌紅輪  
色霞標白嶽岑九重華蓋矗十二玉樓森  
絳闕居其所黃人守此心

飛龍天在上

翔鳳日當今樞軸神霄麗丹青化宇斟迎

鑾歌紉纓策府陋唐音

雲無心以出岫

得山字

世外浮雲客看雲又出山重巖連冒絮遠岫失堆鬟  
脈脈相忘處行行且止間不知何意思無計可追攀  
石氣驅之走樵風引未還境隨凹凸補心與去來關  
就日能成彩爲霖肯放閒香爐

峯頂望

天澤徧人寰

靈液播雲

得雲字

鍊水能升液升霄早播雲山川靈蓄洩天地氣細縕脈與神泉  
應光隨昇日分桐巖蒸淦淦松瀑瀉沄沄布潤彌千里含滋亘  
八垠迅爲霖滲漉翁以霧紛紜宣鬯羣陰伏霑濡近甸聞  
聖懷親祝再下究澤維殷

朝必望雨

得朝字

祿閣書農望勤思澍澤調自天宣順氣其雨徧崇朝山水含滋  
久風雷作勢驕心懸雞跖旦夢應牧占宵正好披衣起分明戴  
笠翹油雲千里布昇日一時消預信霑濡足還期滲漉遙

聖懷殷晝藥精禱格重霄

疑是地上霜

得霜字

窄窄光明地何來一片霜風斜剛半戶露冷未盈牀影自宜雙  
照天仍各一方想侵鴛瓦溼誰送鴈程涼認是蘆花曉偏侵桂  
子香聞鐘空揣度倚枕細思量瞥眼庭中白關心屋角黃清圓  
常有夢霄漢卽家鄉

前題

夜色明如晝元知不是霜信憑天送冷疑到地生光白板扉斜  
映青苔徑早荒鋪塵爭皎潔團露亦迷茫城上烏啼急沙邊鴈  
影藏笳聲吹未已履迹溼難妨一片秋深淺三更夢短長玉關  
人更遠倚枕莫思量

雪三白

得農字

雲意尙溶溶更番瑞雪逢白忘今是昨寒到澹逾濃三日先堆  
霰連朝又積松羽翩勞守鶴玉戲疊飛龍下尺頻生尺前蹤覓  
後蹤敷天

恩一再匝地澤千重明月仙人擎空山野老筇預占來歲稔九  
拜賀祥農

秋山極天淨

得佳字

山與天俱淨高秋疊疊排諸峯自昏曉萬里絕風霾勢欲捫空  
得光宜望遠皆鳥飛曾不到雲過已如指極目無窮髮分身幾  
瘦骸夕陰芒屨靜霜後菊籬佳未了蒼蒼色都歸落落懷道人  
閒拄笏一笑拍洪崖

五老游河

得辰字

瑞紀荷精降偕來五老人觀圖矜秘授遊渚奉時巡燦燦榮光  
出飄飄古貌親循環忘甲子聽履應星辰平地成天事瞻雲就  
日身珠聯三兩輩玉刻萬千春

聖壽堯增祝

神功舜有臣河清歌

帝世龍集歲躔新

吞雲夢者八九

得游字

小小談雲夢居然跨上游雄吞無楚澤盡吸有江流暑縱長鯨  
勢渾銜數蟻邱胸含元不滓口到便兼收天水遙相覷蛇龍迴  
自愁八方窮吐納九烝界飛浮累算從輪指區形半扼喉何如

觀海者萬里渺滄洲

綠淨不可睡

波暖綠粼粼紅亭淨水濱憑伊珠作睡莫點碧無垠誰寫壺中  
色甯須齒畔春翠痕休撥拾花意亦埃塵漱愛雲藍潤汚妨鏡  
面嗔翻瀾情索寞吹水思因循軟翠霏如染空烟畫未真湘江  
流不去一曲遠峯皺

律比崑崙竹

得和字

萬仞崑崙秀天風竹籟多詩工唐杜甫律借漢蕭何六六箏相  
應雙雙管不訛成章真有斐大樂與同和覓句精排比知音費  
揣摩裁勻珠玉節吹下鳳鸞歌嶰谷千竿憶夔城百韻哦願聆  
薰奏雅鳴

盛慶巢阿

泗濱浮磬

得和字

作貢傳浮磬言從泗上過本殊山伐木邇在禹疏河地肺中聲  
按天琛寶氣羅水多疑土少陰厚配陽和清越宜寒浸漂流詎  
弱波琢材參筦籥沈響起蛟鼉濱岸求斯得懸宮聽若何  
鐘  
昭

聖瑞夔拊慶升歌

舊井无禽

得禽字

舊井占泥濁初爻義試尋祗虞成谷鮒未可卜田禽螯古蒼苔  
長瓶羸素綆沈注茲輸洞酌舍是笑蹄涔定有枯簪謂都無飲  
啄心寒泉難用汲飛鳥詎遺音觀象殊鴻陸蓍辭異鶴陰自脩

遵此意蒙養

聖功深

石蘊玉

得眞字

庚戌散館  
欽取一等二名

石中寧有玉粹美韞何因產擅撈河富疑祛抵鵲眞并包原假  
借間出迺精神底貢徵闕國程材問勲人剖兼崑一片採備珏  
雙珍水折含輝異巖幽攬質均早供圭璧用遠謝砒砒倫延喜  
徠

天關登材比鄰詵

前題恭和

御製元韻

有美欽文玉成能待琢磨山輝昭異采石韞正傳訛漫詡連城

趙終酬獻璞和嵌空疑剖析通理象包羅國器圭璋達良工鑑  
錫磋豚胎純不雜磊砢間由他贗笑燕人寶功深衛國哦幸邀  
崑壁採延喜

聖齡多

前題恭和

御製元韻

太璞完初質唯聞石可磨直翻包外解始辨蘊中訛人巧資斤  
削天珍寶兌和藏身羣玉富具體衆山羅滑澤膚同理精純切  
更磋一卷形潤乃三采耀垂他史或撈河紀詩曾被褐哦自登  
天府貴長佩

渥恩多

他山之石

得他字

小物宜攻錯良工取益多有山皆有石知一可知他大似鄰家  
乞先勞匠氏過本來甘棄擲無用亦接羅足使成吾器拳然在  
彼阿興王材借此君子耀云何相質披砂磔歸功助琢磨願偕  
天府貢撈玉滿蔥河

規圓矩方

得循字

覆試  
欽取一等三名

萬化隨規矩圓方協大鈞周旋君子中絜度聖人循太極一圜  
合中央四正均直從無始始元本有因因輪廓迴環具圭稜界  
畫勻形模如蓋有心契不適真全璧圓闕巧三弧算積陳道樞  
崇默運恒仰

帝居辰

王道如龍首

得龍字

考差  
欽取卷

至人尊首出談道喻如龍得一窺全體乘陽妙統宗八方敷解  
澤九位作乾恭仰戴元功運高瞻庶物從德昭雲雨施瑞應海  
天蹤直以神明宰原夫造化鍾民徵時若契朝詠喜哉逢捷感  
通鳴鼓旋紆

帝望顯

一月三捷

得功字

馬上捷書通三旬送喜融人歌薇采什路記柳依依叢曷月旋軍  
好更時獲醜同連連呼執訊一一奏平戎晦魄環生魄前功迫  
後功五申從律令六疊應祥風夜落旄頭白朝舉旆影紅卽今  
西蜀凱

睿算萬全中

惜寸陰

得勤字

天以陰陽嬪何勞計寸殷撫時增愛惜移晷細區分搏旭晨占  
喜榆暉晚戀欣拋梭憐荏苒刻燭寫慇懃莫放駒光迅端資蛾  
術勤衣珠量取徑韞縢拆徒紛緬想千秋業都爭片刻勲後來  
陶刺史飛渡石頭軍

夙夜惟寅

得寅字

聖德通虔籲

升香請雨辰陰陽三禮洽夙夜一誠伸是月臨初夏其時數正  
寅星移南斗柄澤應大雲輪比歲

心齋肅惟

睿作邕敷行

一意同欲 得同字

聖學先誠意洪疇衍大同一開羣物祖欲本七情公性也恒相近神乎感遂通衆欽元后戴天牖下民衷方矩從心後圓珠坐照中隨人皆有喜助我孰爲功候正占星火時當協雨風萬方如願事澍澤慰

茨宮

五聲配時 得時字

五起先天數聲傳大樂師角宮商徵羽歲月日星時大化三微蘊元功六氣施風憑從律驗德自審音知配味和羹似彰文采宜吹簫欣有合調燭信無私萬事黃鐘本千秋玉琯儀桐徽

方叶奏

虞陛慶昌期

誠存爲物祈

得誠字

日日油雲合如何雨未行節遲因遇閏禮備合修崇氣感羣陰  
肅

心周萬物誠

聖朝無闕事

天上有神明

齋殿翹勤意

霧壇望拜情一聞喧白點十足慰蒼生野老披簔笑田家擊鼓  
聲致祈旋致賀

帝澤普豐盈

敦俗勸農桑

得敦字

勸相農桑重恒廛

黼座尊耕當知

帝力絲亦奉

王言禹甸功歌始周官教象存田家雖璫屑風氣實龐敦咨汝  
司民牧欽哉體化原勤爲生物本豐是

上天恩定報嘉禾稔兼呈瑞繭繁春郊先獻

壽野俗頂香盆

追琢其章

得章字

圭璧周官重鏐金爾雅良追師精刻鏤琢玉煥文章藻采披沙

棟蔥珩結佩瑒溫其昭潔白瑟彼韞珍黃雕柳工名勒廉隅士  
行彰崇牙懸筍簾寶器肅琮璜象鼎登

天府犧尊列大房

聖修欽粹美

倬漢仰輝煌

幽風圖 得幽字

誰譜周京盛能生綵筆春一鄉三日蜡七月八章幽蠶績裘裳  
事禾麻菽麥民寫將豐後樂看取畫中真次第茆檐計從容  
座陳禮隆歛息老詩拜

藻賡新風會

今天下圖觀古聖人松年松雪輩奚解繪

皇仁

前題

得風字

善廣歌幽義旁徵績素功欣然登粉本藉以獻丹衷點染春花  
鳥勾描夏草蟲秋烘流火熾冬渲鑒冰融國事爲家事詩中卽  
畫中六州衣食足一櫨歲華通悟主思元老摹天想化工何如  
勤政殿無逸

寫屏風

前題

得圖字

寶笈儲耕織幽風再上圖興主真景象開國大規模屋粟人烟  
聚機絲夜月鋪幾方田作界一疋絹先摹雅頌民謳叶丹青物  
狀殊縱駢狸貉鼠萸棗韭瓜壺勤儉當如此艱難有是夫無疆

稱

萬壽進繪世唐虞

蜡賓說禮

得賓字

說禮黃冠熟於中有莠民一鄉三物教八蜡四方神春社曾醵  
飲冬儺慣舞偃豐年羔醢薦舊俗虎貓陳所教惟桑梓其儀想  
葛榛劇談風自古團坐誼逾親講解容趨塾周旋屢肅賓公堂  
偕庶老獻

壽樂歛幽

清池皓月

得心字

一碧環

仙籙圓輝皓月臨疏泉琳沼曲延月絳霄深風穀朝霏淨冰匳

夜氣沈沈汙汙莎岸轉晶晶荔牆侵宛在涵中泚分明耀太陰靜  
觀流習坎高矚斗橫參地到清涼界

天含潤澤心大雲垂蔭處

瓊島忤爲霖



存悔齋外集卷四

萍鄉劉鳳誥金門

試體詩

七言排律附

金人謹緘

得言字

鑑古金爲範，三緘象具存。最嚴滕口戒，用謹約身原。密護如封  
繭，周防類束純。鑄曾資築冶，篆未泐堯韉。以此知囊括，由來重  
舌捫。貴同欹器列，質異偶人論。愼默心常守，堅凝體自尊。  
訓行推一貫，政豈在多言。

吉人辭寡

得緘字

妙物爲言者，辭占繫傳嚴。寡尤權以損，虛受取諸咸。豈不憎多  
口，惟知發大凡。樞機榮自召，枝葉冗從芟。一曲陽春和，千絲密

繭緘衛公主去玷周史鼎鐫讒政論砭浮俗虛聲蘊至誠吉人  
陳吉語

恩重紫泥函

思不出其位

得辭字

位與思爲範爻占艮止辭成能天地設通變鬼神知持擇熏心  
候籌量退聽時一國歸太極六筭執元龜方寸環門闌陰陽護  
址基守從神舍定防到意城危越畔情原溢拘墟見亦卑

聖人躬作審凝命吉占宜

知不足

得勤字

不足期於足知從學後云憑何心自慊亦曰業惟勤三面通隅  
反千秋博咫聞資深君子造爲善吉人殷蠡測重淵淺珍嘗一

巒分崇山。慚篳篥。覆餘粟。補農耘。自畫非關力。求贏實所欣。幸窺天祿富。

聖教最多文

汲古得修綆

得韓字

古學矻愚進。勤修句誦韓。汲深原可測。綆短得應難。義仿從繩借。光休坐井觀。心原常見底。文海自生瀾。妙擬抽單極。纖啗倚斷榦。試將盈缶卜。莫作挈瓶看。一索甯持巧。微波不起眚。淵涵窺

聖蘊名理繹無端

雕蟲小技

得文字

老守鑽研學。雕龍那有文。偶然呈末技。多恐薄同羣。巧亦肖翹

類工徒篆刻聞。蝨輪如許大。蚪簡一何紛。舍業辭班削。成風却  
郢斤。壯夫寧視此。小道復奚云。識字終昏棗。繙書慣辟芸。草元  
勞吃吃。擲筆笑揚雲。

白戰不許持寸鐵

得能字

戰喻嚴詩壘。毋將鈍鐵矜。人疑元甲度。字有白光凝。以待持之  
人。其間寸不能。三更功破蔡。六出國封滕。霏屑才如許。塗脂畫  
未曾。篇成磨硯笑。令下捉刀懲。七首窮猶匿。尖叉險莫憑。從來  
吟雪者。壯絕聚星朋。

風泉入清聽

得清字

風與泉相應。何人策杖行。過橋尋曲折。度磴聽分明。響到簷前  
急。吹迴樹杪輕。潺潺添雨足。灑灑覺寒生。未許青山住。難忘白

水盟松篁無六月琴筑有雙聲自快塵襟洗能令俗耳驚

天成龍井句

珠玉記來清

詩成覺有神

得神字

每到裁詩就長吟覺有神雜仙登貴品呈佛悟前因嶽降羣靈  
會天成妙手新耐人三日想澆爾一杯春錦繡光明地風雲駕  
馭身祭茶邀陸羽祝墨召龍賓腹藁才難盡心花夢逼真  
奎文叨錫福稽首瓣香陳

心鏡

握鏡窺全體容光照自同肖形形則著取影影俱融起滅元無  
相虛明本至公遲難留晷刻纖不著塵蒙付物因羣物觀空仰

太空雲流天萬里潭淨月當中  
迹象消成見心裁出化工鑑人  
歸

睿哲涵靜穆

淵衷

朱衣點頭

得朱字

神有褰衣者天人鑑不殊選仙曾按籍取士亦同符  
已許心通人能邀首肯無羣才欣脫白一老儼紆朱  
默賞思端立真知別異趨文昌七珠宿忠孝兩鴻儒  
舉舉同袍慶翩翩領袖須煎茶堂上客想爲拚吟鬚

官重施行馬

得官字

行馬標門望郎君位貴官銅街人共式珂里衆爭看出入驄花

映縱橫鹿割安近前交桂桓依樣護闌干製與旌竿並材同柱  
石觀幾年開畫戟排日擁雕鞍朝士聲施重侯家第宅寬京華  
勲閥盛環向  
五雲端

綿蕪

秦後傳綿蕪求章故事殘縛茅菲縛竹于野又于壇妥帖安諸  
將周迴列百官其中爲殿陛從此別衣冠上壽鴻臚唱愆儀御  
史彈爾迂今亦聖必世古來難萬代文垂象三王禮改觀垂裳  
天子貴騎項悔前歡

眼鏡

得他字

辛亥大考  
欽取二等二名

健德昭心鏡恒欽

朗鑑多

光明由正己，鑿鑿詎資他。卽以謀於目，因之靜可賡。雙懸空剪水，寸徑淨含波。漾采依輪廓，生輝重琢磨。晶逾陽燧透，巧莫泰西過。妙寫蠅頭細，能窺蠹簡訛。

聖人垂照久，象微萬方羅。

芥舟

得劫字

譬芥爲舟者，杯焉水則膠。拾來纖草用，占得利川交。妙豈船丁喻，輕宜菜甲拋。所如同一輩，不繫恥空匏。實實虛虛際，深深淺淺交。那曾瓜蔓掠，或以藕絲捎。勻浪浮楂擬，前塵斷梗嘲。微才慚作楫，仙望託

螭坳

鈴索

何處韻丁東。鈴聲漾碧空。聽當春日裏。話到玉堂中。恰好無人靜。分明有語通。護花搖麗綬。懸塔起琤瓏。簷馬輕相間。箏絃雜未終。綴疑星瑣碎。淋怯雨空濛。放鴿喧晴晝。飛鷺蹴午風。賣錫天氣好。答和倩誰同。

疊鼓夜寒

得寒字

細數宵分鼓。長街欲靜難。如何頻問夜。不奈此添寒。知自譙門外。來從警枕端。調殊三疊轉。聲到五更攢。豈是春雷開。方當夕月圓。風嚴催柝緊。霜冷逼鐘殘。漏已連籌報。鐙猶一穗看。臥吟誰忍凍。白石慕詞壇。

壁牀春暖

得牀字

素不言溫室家寒簪作牀。一身求熨帖。四面置闌匡。石煉天堪  
補。泥封火自藏。丹鑪休走汞。花窖欲熏唐。冷笑冬烘腦。深窺內  
熱腸。拋甄矜匠巧。滅竈憶軍場。春色三竿日。人烟萬瓦霜。布衾  
霄夢暖。起坐更焚香。

飛觴醉月

皓皓叩圓靈。飛觴一暫停。客邀天上月。臣是酒邊星。寄意憑呼  
吸。通辭入杳冥。語從沈醉得。聲借步虛聽。瑤宴遙相待。珠宮想  
未扃。判爲長夜飲。呼起太陰形。問訊宜更酌。流連已半醒。何如  
親

帝座春色沃仙醺

試院煎茶

得蘇字

辛酉山東  
鄉試擬作

扁院臨秋試拈題偶詠蘇揀茶開片箬調水遣雙符到耳瓶笙  
熟隨身石鮑俱爲留文火活不放沫花纔餅瀹龍團勝湯煎蟹  
眼殊榻邊烟颺久堂外燭添無喜共陰僚暖喧來勝吏趨頭綱  
會拜

賜公讌繼西湖

郁樸無成

得勤字

朝考  
欽取五名

相質程翹秀無成寧昔聞郁原艱落實樸亦遜多文漫詡懷其  
核徒嗟運以斤詩徵唐棣逸書遡梓材勤枉待含仁熟難施繪  
素紛奠馨餐可配樗散棄同云敗絮依誰惜虛車勿妄欣羣才  
宏造化

聖矩契心君

鑪烟添柳重

得烟字

青鎖千條柳，金鑪五色烟。  
凝香絲細駐，拂曙漏催傳。  
暖接宸旂颺，濃添甲煎燃。  
由來溫樹意，恰是早朝天。  
碧縷霏微重，

丹墀馥郁先。  
三春濡

雨露，一氣藹堂聯。  
雲擁

當中葢，花明第幾甌。

奎題榮染翰，案吏拜

恩宣。

前題

萬綠霏香處，晨開羽仗鮮。  
柳爭扶弱植，鑑正引祥烟。  
冉冉晴熏外，蒼蒼禁樹邊。  
垂梢盤露裊，結縷緒風連。  
榆火春三月，槐雲尺

五天濃芬鋪匝匝。疊篆疊迴旋。百和通花氣。千官拱

御筵。長楊誰奏賦。

恩重染衣先。

繞屋樹扶疎

得疎字

四望庭柯感當年。栗里居。雜花生樹後。新綠到檐初。榮木森森  
蔭停雲。露霽舒。幾株扶柳。馭一角。補蘿疎。翠展天圓。幄琴眠月  
半廬。恰隨篁影漏。不藉薜痕除。博採稻。含狀閒披。伯翳書。

聖朝無隱士。

溫室企何如。

日邊紅杏倚雲栽

得栽字

十里杏園開。紅雲捧日來。天成春錦繡。花滿玉樓臺。四面東風

倚三陽暖氣催柳添烟羃歷桃共露滋培細萼皆朱粉高枝不  
翦裁曲江新宴會

上苑舊根荄此樹迎

恩植當年著意栽所欣簪帽客第一冠仙才

分秧及初夏

得分字

一望平如剪芊芊綠未分呼來秧馬急課爾稻人勤潤裏梅腮  
透晴翻麥浪沭經時胼手力幾輩折腰羣出水針芒短交風扇  
色紛定多同穎瑞都有向榮欣雨露桑麻事江湖笠屐聞耕圖  
欽

睿藻長養正迎薰

梅雨稻田新

得新字

最喜壬占雨。田功問稻人。薰蒸梅氣候。長養穀精神。天釀晴陰  
半。風催冷暖勻。爛黃知子熟。濃綠見禾新。樹帶烟痕溼。苗添水  
色津。累丸垂漉漉。分卦響粼粼。豐佇倉箱慶。和需鼎鼐臣。  
皇情槐籩洽。應禱澍依旬。

荷翻北潭影

得潭字

四面荷亭繞。虹橋界碧潭。翻翻看渚北。采采憶江南。影慣迎風  
側。聲疑帶雨酣。擎盤新漲助。傾蓋晚涼堪。幾曲闌斜倚。當空鏡  
倒涵。方隨天各一。圓印月成三。夕宴分明敞。清香自在諳。願崇  
君子德。

御沼沐

恩覃

山意衝寒欲放梅

得梅字

誰云山有意寒乃欲相催嶺上方吹雪籬邊不放梅  
霏香蟾映早作陣雁衝回素性芬芳抱經時冷淡開  
橫斜迎竹塢消息驗葭灰天地瓊瑤宇心腸鐵石胎  
語冰非可恃倚玉况終頽願比喬松秀爲儲和鼎才

東閣觀梅動詩興

得梅字

小閣向東開江天詠蚤梅萬花同興也一樹亦懷哉  
女字枝橫檻官家雪築臺白頭思綺麗朱郎面崔嵬  
春促朝衙鼓香添夕宴杯曳裘偕客到搖筆有神來  
蜀國詩人會揚州記室才爲酬飛動意得句盡瓊瑰

江邊一樹垂垂發

得鄉字

新綠好金埒耀

天衢

春入燒痕青

生意迴芳草。經春帶燒痕。踏來青有迹。望去碧無垠。野火思前日。東風過幾番。園丁方快靄。葦甲遂滋繁。柳陌輕縈絮。苔磯淺沃根。微聞焦土潤。不惹曉烟昏。匝匝看南浦。延緣憶陸渾。天心常澤物。弱卉亦承恩。

黃米飯香青菜熟

得香字

米菜原纖事。儒風澹泊長。煖蒸容飫溢。細切待蔬嘗。黃是冬春好。青餘老圃芳。熟間知此味。軟嚼也生香。顆粒皆金玉。根芽半

雪霜氣逾焦。麥潤食配凍。菹良自愛加餐勉。何勞下箸忙。閒將君寵說。每飯敢輕忘。

菜根 得根字

漫謂儒真腐。新嘗菜到根。山廚人共棄。雪圃味猶存。脆與菰心似。甘將蔗境論。先生留苜蓿。老婦卻蘋蘩。鬚白殊葱末。衣青有芥孫。獻芹田父舍。煨芋寺僧門。只此閒咀嚼。深知大本原。便教堯膳侍。領取道腴尊。

燕乃睇 得巢字

燕燕下花梢。東風約定巢。低飛頻有語。微睇卻誰教。望影珠簾額。尋蹤畫棟凹。春應窺不盡。倦豈睫難交。爲卜雙棲穩。休將四顧淆。辨方驚鵲背。流眼笑鶯捎。得地欣來賀。依人倩解嘲。杏林

重送喜盼接

翠雲旂

靈鵲報喜

得元字

喈喈鵲聲喧朝朝喜到門吉方臨太一佳話紀開元預兆緣何  
事歡呼又幾番通靈知氣候爭曉噪晴暄愛汝關情厚迎人對  
語繁果然符鳥卜從此信禽言五色雕陵羽三春絳杏園  
天顏憐繞樹何以報  
君恩

寒林雅話

得和字

一對官雅話寒林隱語多翎毛登院本羽翼重詞科明白真如  
話參差聽不訛人間閒粉墨天上舊枝柯愛屋情同此歸巢意

若何駕行前輩少鷺鸕友生和畫史工題品禽言費揣摩待翔  
溫樹密聽

話玉堂波

晚涼看洗馬

得涼字

南池秋八月萬馬水中央一洗空羣底經時候晚涼川花看渴  
赴龍鬣與波翔那有浮沉勢真宜浩渺鄉寒流紛蹴踏斜日照  
騰驤風慣嘶金氣泥原惜錦障皮毛都拂拭肉眼漫形相歸賜  
雕鞍穩天閑沐

澤長

未惜馬蹄遙

得遙字

信馬東行去穿林又過橋從人看帽仄有客著鞭遙漫放嘶風

入先勞隔塢招幽尋非敢後癖愛也應消最好春三月渾忘路  
幾條錦障何待惜金埒未妨驕駿足閒堪借奚髯興亦饒將軍  
書再報疊騎約來朝

所向無空濶

得無字

極西二萬里來獻大宛駒濶是橫行處空疑絕跡無風雲增氣  
色瀚海問程途已縱騰天勢難窮拓地區蒼茫隨所向浩落與  
之俱逸虎毛龍象驂駟驟駟圖款誠同服阜

平定想威弧蹀躞花門外神馳貢

上都

吳牛喘月

得音字

最好吳天月牛宮喘弗禁牧人何處夢丞相此宵心驀爾弓疑

影非關竊中音、鼓嚨愁太息、引項怯勝任、叱恐眠難起、牟仍響  
未瘖下來原是夕、露處慣于陰、烏特江南健、銀蟾夜半深、其悖  
歌雅什、

德照物咸臨、

江淺未聞猿、得猿字

秋月冷江村、行人憶峽猿、未聞鳴噓噓、徒聽瀉浚浚、一碧沈湘  
岸、三聲杳蜀門、飲流嘖尙急、渡礪寂無喧、沙淺容篙半、山空覓  
樹繁、故教腸勿斷、曾見臂相援、寺遠藏吟嘯、舟停惜夢魂、自從  
金鎖放、應戀野賓恩、

呦呦鹿鳴、得鳴字

瞻彼中林鹿、呦呦一再鳴、無虞從野性、相應有同聲、細草深巖

畔長風冷露情。問誰通獸語。見爾引麋行。濯濯偕來。圍牲牲慣。  
食苹。脩然場町。瞳聽到韻。咿嚶。嘯侶真仙客。娛賓速友生。三秋  
文苑樂嘉宴。佇歌笙。

鹿尾

得蒸字

一握斑龍尾。豪家食品登。莫云知味少。爲仗擊生能。脯簍尋常  
到。尻輪舊日乘。小嫌貂禬速。大怯虎淩兢。膚腠中間滿。脂膏寸  
段凝。香封酥乳密。凍取血管蒸。定有餘羶慕。端然細嚼勝。鯉頭  
同北產。獻歲百觥稱。

好將餘潤變魚龍

得餘字

袁州府屬  
考古一名

瞬息魚龍變。天隅正潤餘。好將鱗甲現。還待雨雲殊。壁以乘風  
破。鬢因帶霧噓。升騰欣有自。跳躍意何如。一夜辭巖壑。千尋沂

尾闕梭飛偕隱隱。劍化訝徐徐。從此腮無曝。應教鬣盡舒。鳳池  
春晚晚。矯首望  
丹除。

南有嘉魚

譬彼求魚者。烝然集水涯。以游還以泳。維旨亦維嘉。春雨蘋溪  
樂。秋風桂餌華。最宜君子酒。何必釣人槎。穴丙紅泉映。調辛玉  
饌加。宴供燒尾稱。兆喜躍鱗誇。取備笙詩補。曾無燕饗譁。殷勤  
登衆彥。賢網副  
天家。

井蛙語海

得蛙字

觀海難爲水。拘墟笑井蛙。漫窮微物智。與語達人懷。缺登潛身

久重溟駭耳皆一知聊勿問萬頃况無涯界侈龍宮閎光嗤鼠  
目乖波濤驚木賦口舌誤齊諧幾見鵬垂翼渾同蟻在槐試拋  
閒鼓吹領取寓言佳

朽麥化蝶

得情字

頗訝蟲從葉元來麥穗盈花辰穿乍見穀甲蛻初成就溼忘漂  
雨當風快舞瞋影隨衣袂疊候過麝香清十斛收原足雙飛栩栩  
欲生秣稊憐故質金粉助閒情銷喜田家話遊仙羽客評蠕蠕  
關大化榮朽易分明

腐草爲螢

得影字

冬蟲常變草夏草亦爲螢腐物能從化宵光宛效靈龍陂原是  
竹虎魄慣生苓走蠹芸鬢髮叉魚絮漾萍杞偏眠犬子葭獨具

人形黍粒盤盤螳。萌筒負負螭敗根。喧蟋蟀落葉欵蜻蜒。偶借  
紗囊貯來春。又踏青。

前題

暑變物之性。螢飛草損芽。楓脂凝虎魄。柳絮上魚叉。竹久蜻蛉  
現。裘裁蚊蝶斜。人蓀隨氣化。枸杞閱年賒。積溼蛾生麥。連陰稻  
作鰕。髮規知蠹蝕。校擲忽龍拏。根自冬蟲出。光分夜亮差。神奇  
原臭腐。齊物悟南華。

秋後多蠅

得驚字

觸睫蠅紛擾。經秋勢尙囂。爲乘殘暑熾。翻趁早涼豪。喧訝昂雞  
憤。紛看附驥旄。吟風爭蚌健。咽露作蟬饕。統扇休藏篋。紗屏更  
誤毫。翅偏黏豆雨。迹未掃松濤。屢避冰壺影。頻揮玉塵毛。慕渠

鑽故紙勤學最詞曹

恭詠

頌孔廟周器

得從字十六韻

禮尚姬朝制周原孔子從

尊師頌瀛物薦奠表虔悰備饗侔車服登堂佐鼓鐘肆筵眞鼎  
範十事吉金銘款識元和別馨香

闕里供山雷紛在列瓦缶雜奚庸漫以新型飭先教遠驛封微  
名藏已久辨物類因重几席羅全數鉶登澤古容穆如曷肖象  
潔用勺盤龍東國宏儀具西京舊製逢猶聞碑協韻詎襲器陳  
宗永寶垂規遠維歆致享恭曾何知有漢况乃重

臨雍太學依成例昌平企

聖蹤

八旬猶釋菜數典樂章縫

江心鏡

得明字

總覆入萍  
鄉學一名

午日江心鑄始成菱花寶鏡倍生明  
升臺舞鳳三形影出匣蟠  
龍驗雨晴攬處幾曾  
屢照懸來隨在鑒  
常清澄觀萬物歸仁  
壽可但千秋獨擅名

釵頭符

共戴靈符擬辟邪  
釵頭輕綴絢流霞  
綵絲錯落飄香霧  
小篆繽紛闕歲華  
好共金蟾新貼穩  
豈同玉燕故飛斜  
漫言繫綫兵方  
避笑折安榴競插花

蘆芽

得根字

一抹蘆洲翦翠痕有人挑菜過烟村疎疎出土纖於指淺淺含  
膏潤到根啄近香泥雙乳燕上來春水幾河豚憐渠風味江南  
好筍籠茶筐與細論

登春臺

得培字

萬象春凝卽是臺同登熙皞樂徘徊人遊大塊韶光遍地象中  
央土德該與驗民風翔八極爲敷我澤圉重垓縱橫宙合陽和  
積上下乾坤協氣培共向樂郊循迤邐直從福地上崔嵬尊如  
堂者崇階仰政以基之勝境恢九野清塵眞及節一時擊壤與  
偕來康衢試擬南山有化寓長依

壽寓開

和暖又逢挑菜日

得挑字

芳翦新蔬凍已消和光又喜景增韶花辰暖共三春摘菜甲纖  
逾七種挑雪圃根芽多蘊蓄山廚風味待招邀相逢舉鉢看盈  
把作伴攜筐記昨朝薄薄帶烟青入籠疎疎出土碧拳苗買兼  
菘芥論園得擷近萋蒿滿地饒農子及時秧稻粒蠶人計日採  
桑條何如掇秀依

仙苑吉彙連茹應

聖朝

社公雨

得農字

小雨霏微吉戊逢社公祈歲俗宜從已教舊水當初換相望新  
膏灑倍濃暖透青陽催舞燕波翻白漁異分龍蠶官未事靈能  
乞田祖先時報有庸二十四番春泄漏五三六點響惺忪洗將

風伯揚塵徧占以雲師結陣重天氣花朝油掩幕人家酒會鼓  
鳴鑿祥瞻

盛代輝晨正芘穀

崇壇澤九農

綠淨不可唾

得寒字

紅亭綠意寫輕湍欲唾何人對影看鏡裏自勻波面淨壺中休  
點沫花殘淺窺湘碧應相惜薄漱雲藍怯未安惟有晶晶留活  
色可禁碎碎浣春寒空烟一片消塵盡流水三生著迹難吹徧  
泡漚曾不起墮來珠玉漫無端江平日暝低搖槳翠軟風柔小  
倚闌芳欸如傳情切思詩醇

澄鑑靜哦韓

德者福基

得儲字

乾始一元開卦德

壽徵五福備疇書顯仁益肇心基厚長善還根性體初尺宅寸  
田新境界上蟠下際大權輿聖賢樂地恢恢有民物春臺皞皞  
如土肖安敦誠廣矣道貞坦履共由諸吉祥順應凝承久富貴  
崇高積系餘質旦質明容俯仰潤身潤屋得寬舒洪惟

帝命闕敷錫人爵先從

天爵儲

萬物未生時

得含字

先天何處天心見化育因時佐理談物物直從無物始生生元  
本未生探陰陽剝復雙輪轂父母乾坤一孕含官位納藏春意

滿易圖元秘畫前參似凝塊土杯成質猶待重屏鑰啓函渾轉  
漫分儀有二魄藏不到月初三穀如就伏將雛得仁在其中種  
果諳爲比堯夫推象數萬方涵煦被  
恩覃

以德爲車

得鹽字

上德爲儀物藻覘如車象取藝成兼寸衷密運馳驅範六御精  
操進退嚴動合周旋司契妙中施駕馭得輿占常調神轡祛橫  
驚自結心旌入靜恬制度考文同軌協立言載道飾轅嫌圖匡  
悉準推行利脂輦何虞致遠淹意造巧逾奚仲擅禮容壯備大  
章瞻

聖朝鴻化輝樞斗山器祥呈逮澤鹽

繪事後素

得言字

太素開先至理存旁通作繪逸詩言後於踵事因心則借以成章曲藝論五采彰施由尙象六爻賁飾詎增繁天工人巧歸神化商質周文邇本原黼黻爲儀昭制度元黃初判肇胚渾凍絲合備專官掌設色憑教妙手掄渥赭渥丹敷潤澤采藍采綠績新痕

昇平鴻業欽崇寶藻耀同瞻

聖德尊

若作和羹

得鹽字

調元妙手協枚占命作和羹相業覘配味已堪供麴蘖嘗珍還用劑梅鹽百官內外饗殮備二氣陰陽鼎鼐兼受寵自然安七

箸斟醲久矣識酸甜與評食料宜無負試代庖人笑未嫌應夢  
中求爰立稱宰天下職衆謀僉大烹早副優賢禮公餽交期敬  
事嚴尤幸太平榮禁衛拜

恩挨席重叨霑

辛盤獻酒

得數字

吉祥歲事祝團圞呼酒登堂賀履端此樂最宜依子舍全家同  
喜獻辛盤千杯細酌開缸面七種先挑配食單席上坐聞香屑  
桂厨中笑促膳調蘭老來愈癖粗諳性苦極回甘合盡歡春醉  
已教人爛漫冬心休薄味酸寒宜時菰芥加餐好隨意芹蘆佐  
飲寬記得新年叨侍

譙手攜珍饌下

金鑾

亥字書年

得高字

曾繙左史傳書亥一老華顙介尉曹世在春秋成歲紀臣之甲  
子大年叨指輪恰與重文會口畫堪當一字褒星象天門躔度  
合律家淵獻竿籌操一居首位形相屬六布身官數屢遭佳話  
長生畱晉絳微言精測類商高誰爲同輩皤皤在豈向空中咄  
咄勞願慶

億齡增壽曜登臺彌喜珥仙毫

八千歲爲秋

得椿字

八千同紀蒙莊證秋翠蒼然合抱椿天下皆知桐落夜小年不  
及菌滋晨榮敷偶數兼成數春永前身到後身爲指歲華如此

樹長存壽相肖乎人相生金氣盤根固慣閱霜華積候新太古  
三皇齡益萬商賢一老算加旬渾忘冀莢盈虛理欲問蟠桃花  
實因培物得天歸

帝德京垓彌卜

聖釐臻

夾竹桃

樂府已翻桃葉曲新聲又換竹枝腔試徵合傳從花史本結同  
心自海邦體態愛教環燕並姓名好擬尹邢雙一春零落仍流  
水盡日蕭疎不滿腔翠袖多情依露井紅顏遺恨傍湘江篩風  
涼蔭侵衣桁帶雨繁英裊酒缸之子冶容人目逆此君高節我  
心降青鸞何處傳消息定有仙源引釣艫

晚香玉

花譜芳名次第拈香情玉態許誰兼薰成蘭麝濃偏惹翦出瓊  
瑤巧不嫌鏡檻曉搖枝采薄冰壺涼透片痕纖昏黃小篆縈心  
縷澹碧輕衫削指尖幽夢乍回低暱枕殘妝半整淺窺匳開畱  
重七看星閣摘向初三拜月簾紅杜難禁湘露冷素馨却帶海  
雲炎燕姬饒有天然麗北部臙脂莫漫添

乘興還來看藥欄

得乘字

風蠹盡日鼓炎蒸紅藥經年笑靨仍抱甕綠階閒可寄攜樽露  
井興堪乘吟邊影透松窗月語次芳容竹寺燈國士名花看或  
似美人香草贈何曾怪疎朝夕相過訪欣聚賓朋與豔稱景逗  
清和春漸遠涼生料峭雨無憑成林喜款初來客示相疑窺入

定僧老我慵殘渾底事詩筒走謝罰難勝

百丈游絲爭繞樹

得盧字

滿林韶景度新株百丈游絲繚繞俱紅日上梢抽綫脚東風吹  
影冑繚鬚分明碾麴塵千里約略牽船岸一隅喚到雜花生處  
徧嫩綠飛絮撲來無乍隨燕外垂垂裊未際蠶時縷縷鋪晴過  
三春常在萬遠開重碧自縈紆葳蕤不斷芳爭惹絡索何人巧  
盡輸咫尺依

恩溫樹密清陰漫羨范陽盧

震爲蒼簣竹

得冬字

青帝司方位震宮蒼簣物象竹生東雷聲地奮宣陽氣木德天  
回造化工萬綠浮筠看直上三春擢秀有新叢社公潤沐廉纖

雨少女暄吹長養風  
蠹蠹箭材剛出穉森  
森笋勢已凌空葉迎  
對面徐成个節抱虛  
心本在中一種萌芽勻  
草碧滿前跼萼映花  
紅昭蘇百卉知榮向  
共荷

皇仁煦育同

蓬生麻中

得扶字

蕺麻正課畝分區間  
許春蓬苗者俱成實  
待教勤種臬托根渾  
未雜薺茶直回本性  
因依好飄惜驚風倚  
芑無一種多疏偏有  
節平生自振不嫌孤  
蕭蕭野艾抽簪對蠹  
蠹長蒿作柱扶美在  
維縻維芑列辨隨漚  
苧漚菅徒弧懸壯志  
人爭憶閣報新叢夢  
定符清望標存宣制  
日

熙朝連茹叶殷需

春入鳥能言

得諧字

新晴晚晚上林皆聽到枝頭百鳥諧此樂最宜傾耳待能言奚  
惜引吭偕頻來遠樹傳聲侶不辨東風小語懷春倩好音相報  
蚤人如得意自鳴佳雲和草淨喧芳谷日暖花明喚午齋漸欲  
平章桃杏色詎煩商略燕鶯儕旛鈴有韻妍同惜簫鼓難調巧  
盡排何幸遷喬欣所託歸昌

盛世叶邕諧

春江水暖鴨先知

得江字

蒲芽淺淺水淙淙鴨子飛飛漾碧缸暖意已知侵岸起凍流先  
喜到春降渚紅細啖桃三兩波綠兼衝燕一雙沙尾寒暄輕浴  
毳潮頭消息皺吹江溶溶弄影移時鬪早早呼名得意曉萍潏

半開穿短柵竹弓斜避曉晴窗清溪宅繞鳧雛舍芳草橋低雁  
齒椿正憶河豚風味好興來誰理釣師艖

雙雁

覓句剛憐菊未開爲看征雁動吟裁三秋隴首羣初起萬里湘  
天影疊催燕子程期相約近蘆花縱迹並飛纔雲霄高處分前  
後風月清時共去來四柱文情曾按取雙聲羌管漫吹回似惹  
遠清同心寄莫作寒塘比翼猜排字畧能工對待稱賓慣喜得  
追陪此禽若入鷓鴣隊儀羽先成漸陸才

丙吉問牛

得郊字十二韻

沙堤春日逢丞相爲訪民風過近郊牛後疾驅驚轂餽馬前通  
問止喧呶徐行翻訝蹶奔逸急喘方知鼻聽淆大似拊膺增歎

息那能掉尾奮咆哮感時漫廢芻蕘探論道須防牧豎嘲健憶  
促耕桑隴外老嗤閒臥柳塘均扣歌底愧賢卿寧牽飲寧師隱  
客巢休認趙雲騰境內不因吳月轉林梢勞嗟朝暮形骸憊靜  
驗陰陽氣候交入夜望星占斗近隔年和土記鞭敲也欣橫背  
偏多適却晒籠頭未易拋何似元功歸變理

太平利用叶坤爻

金蓮燭

得仙字十六韻

禁闈華燭撒金蓮內翰親承詔旨宣事較風流唐相勝恩殊日  
暮漢宮傳聽殘花漏丁冬滴賜出荷缸午夜燃列炬俄看團似  
錦分光應笑擁如椽半圍蠟照含珠朶一道冰紗護翠烟芝蓋  
巧將雲作倚蘭膏明與玉相鮮芳凝薄燼因風仄影背長檠貼

地圓翦翦芙蓉銜露夕疎疎茜茜映宵天晶流小皎雙輝透火  
發春融四照便綠暈齊舒渾未晚丹心常抱豈妨煎衣遮輦路  
迴身後香在熏鑪引手先望裏星辰真有爛歸來風月總無邊  
痕澄碧瓦鴛鴦覆彩溢金籠翡翠懸門監休猜醉學士吏人驚  
訝老詩仙檢書燒處誰供此起草挑時偶亦然記取垂簾恩遇  
厚玉堂佳話豔千年

存悔齋外集卷四終